

ՄԵՆՔ ԵՆՔ ՄԵՐ ԳԱՆԶԵՐՈՒՆ ԻՐԱԿԱՏԵՐԸ

Posted on October 31, 2015 by Keghart



Category: [Opinions](#)



Հանրային արձանագրութիւն (public record) է որ նախ քան այս տխրահոջակ «համաձայնութիւնը», Ազգային Առաջնորդարանը կը պահանջէր \$35 միլիոն տուարի փոխհատուցում, սակայն՝ անհասկնալի պատճառներով հատուցումը վերածուեցաւ «մութ համաձայնութեան», որուն ծայրերուն մասին հաւանաբար պիտի կարողանանք աւելի մանրամասն գրել յառաջիկային՝ Յունուար 1, 2016 թուականէն ետք, երբ պաշտօնապէս, դատարանային համաձայնութեամբ, «Չէթունի Աւետարան»-ին՝ Թորոս Ռոսլինի ձեռքով նկարագարողուած առաջին ութ էջերը կրկին յանձնուին Փօլ Կեթի Թանգարանին:

Այս տխրահոջակ «համաձայնութիւնը» արդարացնելու համար, յառաջ կը բերուի այն առարկութիւնը, որպէս թէ Փօլ Կեթի Թանգարանը յայտարարած է որ 1943 եւ 1952 թուականներուն տպագրուած յօդուածներուն մէջ ցոյց կը տրուի որ հայ Եկեղեցին պաշտօնապէս տեղեակ էր թէ Մէսէջուսէց նահանգի մէջ ապրող հայ ընտանիքի մը մօտ կը գտնուէին «Չէթունի Աւետարան»-ին՝ Թորոս Ռոսլինի ձեռքով նկարագարողուած առաջին ութ էջերը եւ սակայն ո՛չ ոք իրաւական քայլ մը առած էր զանոնք վերստանալու: Այս յայտարարութիւնը ո՛չ մէկ ձեւով կրնար նուազեցնել Ազգային Առաջնորդարանի պահանջատիրութեան հզօրութիւնը, որովհետեւ վերեւ յիշատակուած թուականներուն՝ Կիլիկիոյ Կաթողիկոսութիւնը հաստատուած ներկայացուցչութիւն իսկ չունէր Միացեալ Նահանգներու մէջ, այլ խօսքով՝ Կիլիկեան Թեմ գոյութիւն չունէր Միացեալ Նահանգներու մէջ 1957-էն առաջ, եւ հետեւաբար՝ Փօլ Կեթի Թանգարանին մարտահրաւեր պատճառաբանութիւնը ո՛չ մէկ դրական արդիւնքի կրնար հասնիլ:

Վերեւ յիշատակուած բոլոր բացատրութիւններուն լոյսին ներքեւ, մենք չենք համոզուած որ Ազգային Առաջնորդարանը իրաւունք ունէր նման տխրահոջակ համաձայնութիւն կնքելու Փօլ Կեթի Թանգարանին հետ: Չմոռնանք յիշատակելու այստեղ այն բացարձակ ճշմարտութիւնը թէ, ինչպէս Կարօ Արմէնեան վերջերս յայտարարեց, **մեր սրբութիւնները անձնական սեփականութիւններ չեն:** Այս պարագային ալ նոյնը բարձրաձայն պետք է կրկնել եւ յայտարարել՝ թէ **մեր մշակութային գանձերուն իրաւատէրը մենք ենք**, այսինքն հայ ժողովուրդը եւ ո՛չ թէ կրօնական եւ կամ աշխարհական հաստատութիւն մը. արդարեւ՝ պետք է ըլլանք հաշուետու եւ թափանցիկ՝ մեր բոլոր գործառնութեանց մէջ:

